



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-1-40-288-2/25**
Datum: **06.08.2025. godine**

«Agencija za vodno područje rijeke Save» Sarajevo rješavajući po zahtjevu Salihović (Husein) Enesa iz Klokočnice, Doboj Istok za donošenje rješenja o prethodnoj vodnoj saglasnosti za ispuštanje tehnoloških otpadnih voda u prirodni recipijent sa lokaliteta poslovnog objekta namjene – kamenorezačka radnja u naselju Klokočnica, općina Doboj Istok a u postupku pribavljanja urbanističke saglasnosti za dogradnju objekta, na osnovu člana 139. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E

1. Odbija se zahtjev Salihović (Husein) Enesa iz Klokočnice, Doboj Istok za izdavanje prethodne vodne saglasnosti za ispuštanje tehnoloških otpadnih voda u prirodni recipijent sa lokaliteta poslovnog objekta namjene – kamenorezačka radnja planiranog u sklopu stambenog objekta u naselju Klokočnica na zemljištu označenom kao k.č. broj: 4017/1 K.O. Klokočnica, općina Doboj Istok, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja predmetnog poslovnog objekta dođe do promjene tehnologije procesa čemu će dolaziti do produkcije i ispuštanja tehnoloških otpadnih voda u prirodni recipijent, korisnik objekta dužan je da pribavi vodne akte od nadležnog organa.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom poslovnom objektu, korisnik zaštitnih vodnih objekata nije odgovoran za nastale štete.

O b r a z l o ž e n j e

Od strane Salihović (Husein) Enesa je dana 04.07.2025. godine, podnesen ovaj Agenciji zahtjev za izdavanje prethodne vodne saglasnosti za poslovni objekat namjene – kamenorezačka radnja koji se planira u sklopu stambenog objekta u naselju Klokočnica na zemljištu označenom kao k.č. broj: 4017/1 K.O. Klokočnica, općina Doboj Istok a u postupku pribavljanja urbanističke saglasnosti za dogradnju.

U provedenom postupku dostavljena je i pregledana sljedeća dokumentacija:

- Ovjereni kopiji lične karte Salihović (Husein) Enesa,
- Ovjereni kopiji Informacije broj: UP-I-05-19-82/25 od 26.05.2025. godine o usklađenosti planiranih aktivnosti sa prostorno planskom dokumentacijom općine Doboj Istok,
- Ovjereni kopiji Uvjerjenja broj: 05-19-791/25 da se parcela označena kao k.č. broj: 4017/1 K.O. Klokočnica, općina Doboj Istok ne nalazi u zoni sanitarne zaštite izvorišta vodosnabdijevanja izdatog dana 26.05.2025. godine od strane Službe za prostorno uređenje Općina Doboj Istok,
- Kopija Potvrde broj: 01-01-55/25 izdate od strane JKP «ČISTO» d.o.o. Doboj Istok izdate dana 26.05.2025. godine kojom se potvrđuje da je objekat vl. Salihović Enesa priključen na gradski vodovodni sistem,
- Ovjereni kopiji katastarskog plana UR broj: 05-26-144/2025-2 izdatog dana 27.02.2025. godine od strane Službe za prostorno uređenje Općina Doboj Istok,
- Ovjereni kopiji Izvoda iz katastarsko-knjižnog uložka broj 4146 izdatog dana 26.02.2025. godine od strane Službe za prostorno uređenje Općina Doboj Istok,
- Ovjereni kopiji Zemljišnoknjižnog izvotka broj: 027-0-NAR-25-001 431 ZK uložak broj: 1979 izdatog dana 28.02.2025. godine od strane Zemljišnoknjižnog ureda Općinskog suda u Gračanici,
- Studija za izdavanje prethodne vodne saglasnosti za stambeno-poslovni objekat Investitora Salihović Enes iz Klokočnice, Doboj Istok koji se planira graditi na k.č. broj: 4017/1 K.O. Klokočnica, općina Doboj Istok urađena od strane «TALWEG» d.o.o. Tuzla (broj: 51-C/25, maj 2025. godine),
- Dokaz o uplaćenju upravnoj taksi na zahtjev.

Na osnovu dostavljene dokumentacije utvrđeno je sljedeće:

Predmetni poslovni objekat planiran je u sklopu stambenog objekta vlasnika Salihović (Husein) Enesa u naselju Klokočnica na zemljištu označenom kao k.č. broj: 4017/1 K.O. Klokočnica, općina Doboj Istok. Osnovna djelatnost planiranog poslovnog objekta je obrada i rezanje kamena.

Predmetni lokalitet se ne nalazi u zaštitnim zonama izvorišta vode za potrebe vodosnabdijevanja potrošača na području općine Doboj Istok. Snabdijevanje vodom je obezbijeđeno priključkom na vodovodni sistem kojim upravlja JKP «ČISTO» d.o.o. Doboj Istok. Ispuštanje sanitarno fekalnih otpadnih voda iz kompletnog stambeno-poslovnog objekta predviđeno je u trokomornu septičku jamu.

Tehnološke otpadne vode koje će nastajati obradom kamena će se prikupljati zasebnim kanalizacionim sistemom i odvesti u višekomorni taložnik. Nakon taloženja, prečišćena (izbistrena) voda će se odvesti u sabirnu jamu u kojoj će se prikupljati i kišnica sa krova objekta a potom će se voda vraćati u proizvodni proces obrade kamena (recirkulacija). Iz predmetnog poslovnog objekta nije predviđeno ispuštanje tehnoloških otpadnih voda u prirodni recipijent.

Obzirom na namjenu budućeg poslovnog objekta, na predmetnoj lokaciji se neće odvijati aktivnosti koje kao rezultat mogu imati ispuštanje tehnoloških otpadnih voda kako je to definisano članom 3. stav (1) tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 01/24), odnosno nema ispuštanja otpadnih voda u smislu odredbi člana 139. stav (1) tačka 2. Zakona o vodama.

Iz razloga naprijed navedenih, a u skladu s članom 139. stav (1) Zakona o vodama i članom 200. stav (1) Zakona o upravnom postupku riješeno je kao u dispozitivu.

Podnosilac zahtjeva je uplatio upravnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju

Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- Salihović (Husein) Enes
Klokočnica, 74207 Doboj Istok
- ⊖ AVP Sava, ISV – Vodna knjiga
- Sektor 40 – arhiva
- Oglasna ploča - AVP Sava